



Na osnovu člana 55. stav 2. Zakona o geološkim istraživanjima Federacije Bosne i Hercegovine („Službene novine Federacije Bosne i Hercegovine“, br. 9/10 i 14/10), federalni ministar energije, rudarstva i industrije d o n o s i:

PRAVILNIK O PROGRAMU I NAČINU POLAGANJA STRUČNOG ISPITA ZAPOSLENIKA GEOLOŠKE STRUKE

I OPĆE ODREDBE

Član 1.

- (1) Ovim pravilnikom propisuje se način i program polaganja stručnog ispita zaposlenika geološke struke za samostalno obavljanje poslova za koje je Zakonom o geološkim istraživanjima Federacije Bosne i Hercegovine (u daljem tekstu: Zakon) propisano obavezno polaganje stručnog ispita.

Član 2.

- (2) Stručni ispit (u daljem tekstu: ispit) polaže zaposlenik geološke struke radi sticanja uslova, odnosno provjere stručne osposobljenosti za samostalno obavljanje poslova, zadataka i rukovođenja: geološkim istraživanjima; izradom projektne, tehničke i druge dokumentacije; istraživačkim timom; geološkom službom; nadzorom nad izvođenjem geoloških istražnih radova; vršenja tehničke kontrole, revizije programa, projekata i elaborata geoloških istraživanja.

Član 3.

- (1) Pravo na polaganje ispita, u skladu sa odredbama Zakona i ovog Pravilnika ima lice sa visokom stručnom spremom i višom stručnom spremom, odnosno završen stepen prvog ciklusa (dodiplomskog studija), drugog i trećeg ciklusa univerzitetskog studija kao i srednju stručnu spremu geološke struke.

Član 4.

- (1) Ispit se sastoji iz pismenog i usmenog dijela.
(2) Pismeni dio ispita sastoji se od izrade pismenog rada.
(3) Usmeni dio ispita sastoji se iz posebnog i općeg dijela.

Član 5.

- (1) Posebni dio usmenog dijela ispita obuhvata odbranu pismenog rada pri čemu kandidat treba da pokaže praktično iskustvo, teorijsko znanje, poznavanje tehničkih propisa i standarda korištenih pri izradi pismenog rada.
- (2) Opći dio usmenog dijela ispita dijeli se na stručni dio i dio koji obuhvata provjeru poznavanje propisa iz člana 31. alineja b. ovog Pravilnika.

Član 6.

Gramatička terminologija korištenja muškog roda u ovom Pravilniku podrazumijeva ravnopravno uključivanje oba roda.

II PRIJAVA ZA POLAGANJE ISPITA

Član 7.

- (1) Prijava za polaganje ispita podnosi se Federalnom ministarstvu energije, rudarstva i industrije (u daljem tekstu: Ministarstvo).
- (2) Prijava za polaganje ispita sadrži podatke navedene u Obrascu 1. koji je sastavni dio ovog Pravilnika.
- (3) Uz zahtjev za polaganje ispita prilaže se:
 - a) Ovjerena kopija diplome, odnosno svjedočanstva o završenoj školskoj spremi;
 - b) Potvrda poslodavca kojom se dokazuje da kandidat posjeduje najmanje godina dana radnog iskustva u struci na poslovima geoloških istraživanja, odnosno vrijeme provedeno u obavljanju pripravničkog staža. U potvrdi se obavezno navode osnovni podaci i zadaci koje je kandidat obavljao do podnošenja zahtjeva za polaganje ispita;
 - c) Prijedlog od tri teme za izradu pismenog rada. Pod rednim brojem 1. navodi se tema koja je prioritetna za potrebe i interese privrednog društva.

Član 8.

- (1) Na osnovu prijave za polaganje ispita i dostavljenih dokaza Ministarstvo donosi rješenje o odobravanju polaganja ispita.
- (2) Rješenjem o odobravanju polaganja ispita utvrđuje se: tema i rok izrade pismenog dijela ispita; određuje se mentor / ispitivač; rok polaganja ispita; troškovi polaganja ispita, način i rok plaćanja.

Član 9.

- (1) Visinu naknade za polaganje ispita utvrđuje ministar energije, rudarstva i industrije (u daljem tekstu: federalni ministar) posebnim rješenjem.

Član 10.

- (1) Ispit se polaže u redovnim ispitnim rokovima: februar, april, juni, septembar i novembar.
- (2) U slučaju potrebe može se odrediti i vanredni ispitni rok, o čemu odlučuje Ministarstvo na prijedlog Komisije za polaganje ispita (u daljem tekstu: Komisija).
- (3) O terminu polaganja ispita kandidat se obavještava pismeno.

III KOMISIJA ZA POLAGANJE ISPITA

Član 11.

- (1) Ispit se polaže pred Komisijom.
- (2) Komisija se sastoji od predsjednika, četiri člana i sekretara Komisije.
- (3) Komisiju imenuje federalni ministar na period od dvije godine.

Član 12.

- (1) Predsjednik i tri člana Komisije imenuju se iz reda diplomiranih inženjera geologije sa radnim iskustvom u struci najmanje deset godina i položenim stručnim ispitom.
- (2) Jedan član Komisije imenuje se iz reda diplomiranih pravnika sa radnim iskustvom najmanje deset godina.
- (3) Sekretar Komisije imenuje se iz Ministarstva sa najmanje deset godina radnog iskustva na administrativnim poslovima u Ministarstvu.
- (4) Članovi Komisije iz stava 1. ovog člana imenuju se iz Ministarstva, kantonalnog ministarstva nadležnog za geologiju, federalnog geološkog inspektora i stručno lice geološke struke iz privrednog društva/javne ustanove.

Član 13.

Predsjedniku, članovima Komisije i sekretaru pripada naknada za rad čiju visinu rješenjem utvrđuje federalni ministar.

Član 14.

Administrativno tehnički poslovi za potrebe Komisije obavlja sekretar Komisije i poslovi se obavljaju u Ministarstvu.

IV POLAGANJE ISPITA

Član 15.

- (1) Kandidat pristupa ispitu preuzimanjem Rješenja o odobravanju polaganja ispita iz člana 8. ovog Pravilnika.
- (2) Izrada pismenog rada traje najduže 30 dana.
- (3) Na zahtjev kandidata iz opravdanih razloga rok za dostavljanje pismenog rada može se produžiti, s tim da se pismeni rad mora dostaviti najkasnije 15 dana prije polaganja ispita.

Član 16.

- (1) Pismeni rad obuhvata izradu pismenog-stručnog rada iz oblasti geoloških istraživanja.
- (2) Kandidat sa srednjom stručnom spremom radi pismeni rad koji obuhvata jednostavnija geološka istraživanja i izradu odgovarajuće geološke dokumentacije.

Član 17.

- (1) Temu pismenog rada utvrđuje Komisija na prijedlog člana Komisije koji je određen kao mentor / ispitivač.
- (2) Pri određivanju teme i ocjene izrađenog pismenog rada vodi se računa da isti ima praktičnu primjenu pri geološkim istraživanjima.

Član 18.

- (1) Pismeni rad predaje se na adresu Ministarstva u dva uvezana primjerka.
- (2) Na osnovu pismenog izvještaja i prijedloga ispitivača/mentora, Komisija ocjenjuje uspjeh kandidata iz pismenog rada.
- (3) Pismeni rad se ocjenjuje sa ocjenama „zadovoljava“ ili „ne zadovoljava“.
- (4) Ako se pismeni rad ocijeni ocjenom „zadovoljava“ kandidat može pristupiti usmenom dijelu ispita.
- (5) Ako se pismeni rad ocijeni ocjenom „ne zadovoljava“ smatra se da kandidat nije položio ispit, o čemu se pismeno obavještava.

Član 19.

- (1) Usmeni, odnosno posebni dio ispita započinje upoznavanjem kandidata sa izvještajem mentora o stručnoj izradi pismenog rada.
- (2) Odbrana pismenog rada obuhvata provjeru stečenog iskustva, teorijskog znanja i poznavanje tehničkih propisa, normativa i standarda korištenih pri izradi pismenog rada propisanom članom 31. alineja b. Pravilnika.
- (3) O toku polaganja ispita vodi se zapisnik na Obrascu 2. koji je sastavni dio ovog pravilnika.

Član 20.

- (1) Kandidat koji ne odbrani pismeni rad smatra se da nije položio ispit i neće pristupiti daljem toku ispita.
- (2) Kandidat iz stava 1. ovog člana može pristupiti ponovnom polaganju ispita u narednom ispitnom roku.

Član 21.

- (1) Opći dio ispita kandidat polaže usmeno tako što odgovara na četiri pitanja iz oblasti stručnog dijela i 2 pitanja iz dijela provjere poznavanja propisa po programu propisanom članom 31. alineja b. Pravilnika.
- (2) Opći dio ispita započinje izvlačenjem pitanja sa ispitnih kartica za svaki pojedini dio.

Član 22.

- (1) Konačan uspjeh kandidata ocjenjuje se opisnom ocjenom „položio“ ili „nije položio“ prema pokazanom znanju na pismenom i usmenom dijelu ispita.
- (2) Na prijedlog predsjednika Komisije odluka o ocjeni uspjeha kandidata na ispitu donosi se većinom glasova ostala četiri člana Komisije, s tim da ocjenu limitira ocjena pismenog rada - posebnog dijela ispita i stručnog dijela iz oblasti geologije.
- (3) Ukoliko je kandidat iz posebnog dijela ispita ocijenjen ocjenom „zadovoljava“ a iz općeg dijela „ne zadovoljava“, ponovni ispit obuhvata samo dio ispita iz kojeg je kandidat dobio ocjenu „ne zadovoljava“.

Član 23.

- (1) Ako kandidat iz općeg dijela ispita ne pokaže zadovoljavajući uspjeh ima pravo polagati popravni ispit u roku koji mu odredi Komisija.
- (2) Ako kandidat u određenom roku ne izađe na ispit ili ne pokaže zadovoljavajući uspjeh, smatraće se da ispit nije položio.

Član 24.

- (1) Kandidat koji nije položio ispit može pristupiti ponovnom polaganju ispita u narednom ispitnom roku.
- (2) Ponovni ispit obuhvata radnje kao da kandidat prvi put polaže ispit.
- (3) Ispit se može polagati najviše tri puta.

Član 25.

- (1) Ako kandidat ne pristupi ispitu iz opravdanih razloga ili prije početka odustane od polaganja stručnog ispita, ispit može polagati u sljedećem ispitnom roku.
- (2) U slučaju iz prethodnog stava kandidat je dužan obnoviti zahtjev za polaganje ispita.

Član 26.

- (1) Izuzetno, započeti ispit se može odgoditi zbog bolesti ili iz drugog opravdanog razloga o čemu odlučuje Komisija.
- (2) Odgođeni ispit može se nastaviti u narednom ispitnom roku.
- (3) U nastavku ispita kandidat ne polaže dio ispita koji je položio prije odlaganja ispita.
- (4) Ako kandidat ne pristupi polaganju odloženog ispita u zakazanom roku, smatraće se da ispit nije položio.

Član 27.

- (1) Nakon završetka polaganja ispita predsjednik Komisije saopštava kandidatu rezultate.
- (2) Kandidatu koji je položio ispit Ministarstvo izdaje uvjerenje o položenom stručnom ispitu na Obrascu 3. koji je sastavni dio ovog Pravilnika u roku od 5 dana od dana polaganja ispita.
- (3) Uvjerenje o položenom ispitu potpisuje federalni ministar.

Član 28.

- (1) Registar izdatih uvjerenja o položenim stručnim ispitima za zaposlenike geološke struke vodi se u Ministarstvu.
- (2) Evidenciju o polaganju stručnih ispita vodi sekretar Komisije.
- (3) Registar iz stava 1. ovog člana vodi se na Obrascu 4. koji je sastavni dio ovog Pravilnika.

Član 29.

- (1) Troškove polaganja ispita kao i troškove polaganja popravnog ispita snosi kandidat ili privredno društvo /javna ustanova u kojem je kandidat zaposlen.

V PROGRAM STRUČNOG ISPITA

Član 30.

- (1) Program pismenog dijela ispita obuhvata zadatak pismenog rada i pismeni rad.
 - a) Zadatak pismenog rada
Zadatak za pismeni rad treba da bude definisan na način da omogući kandidatu da pokaže sposobnost samostalnog rada u kojem je zasnovano stečeno praktično iskustvo, teorijsko znanje, poznavanje zakona, pravilnika,

normativa i standarda kao i najnovija tehnička i naučna dostignuća iz oblasti geoloških istraživanja koja su obrađena pismenim radom.

b) Pismeni rad

Na osnovu stepena školske spreme i vrste poslova koje kandidat obavlja kao i zahtjeva kandidata Komisija utvrđuje vrstu i nivo pismenog rada.

Mentor koji je i ispitivač će odrediti vrstu i obim grafičke dokumentacije kao i obim tekstualnog dijela pismenog rada.

Pismeni rad se predaje u najmanje dva primjerka sa grafičkim priložima i tekstualnim dijelom.

Član 31.

(1) Program usmenog ispita obuhvata posebni dio i opći dio.

a) Posebni dio ispita

Posebni dio ispita predstavlja odbranu pismenog rada.

Kod odbrane pismenog rada Komisija provjerava sposobnost kandidata da u rješavanju konkretnih slučajeva primjenjuje teorijsko znanje, stečeno praktično iskustvo, važeće propise, standarde i normative iz oblasti geoloških istraživanja.

U odbrani pismenog rada kandidat je dužan da pokaže znanje iz oblasti koja je uređena materijalnim zakonom i propisima u okviru geoloških istraživanja.

b) Opći dio ispita

Opći dio ispita obuhvata stručni dio i provjeru poznavanja propisa.

Stručni dio ispita

Program stručnog dijela ispita obuhvata:

- Zakon o geološkim istraživanjima Federacije Bosne i Hercegovine
Zakon o jedinstvenom načinu utvrđivanja, evidentiranja i prikupljanja podataka o rezervama mineralnih sirovina i podzemnih voda i o bilansu tih rezervi
- Pravilnik o načinu prikupljanja, evidentiranja, obrade, korištenja i razmjene podataka za geološku bazu podataka, formiranje fonda stručne dokumentacije o geološkim istraživanjima i organizacije geoinformacijskog sistema
- Pravilnik o klasifikaciji, kategorizaciji i proračunu rezervi čvrstih mineralnih sirovina i vođenju evidencije o njima
- Pravilnik o sadržini, načinu izrade elaborata o izvršenim geološkim istraživanjima i postupku vršenja revizije elaborate
- Pravilnik o načinu i uslovima dodjele odobrenja za vršenje geoloških istraživanja od interesa za Federaciju Bosne i Hercegovine
- Pravilnik o načinu vođenja evidencije i izrade katastra ležišta mineralnih sirovina, geoloških pojava i odobrenih istražnih prostora
- Pravilnik o klasifikaciji, kategorizaciji i proračunu rezervi podzemnih voda i vođenju evidencije o njima

- Pravilnik o sadržini, načinu izrade i reviziji programa i projekta geoloških istraživanja i načinu izrade izvještaja o izvršenim geološkim istraživanjima
- Pravilnik o programu i načinu polaganja stručnog ispita zaposlenika geološke struke
- Zakon o rudarstvu Federacije Bosne i Hercegovine
- Zakon o zaštiti na radu

Poznavanje propisa

Provjera poznavanja propisa obuhvata:

- Ustav Bosne i Hercegovine
- Ustav Federacije Bosne i Hercegovine sa amandmanima od I do CIX
- Zakon o upravnom postupku
- Zakon o radu

VI PRELAZNE I ZAVRŠNE ODREDBE

Član 32.

- (1) Lice koje je položilo stručni ispit predviđen za niži stepen školske spreme a naknadno završi viši stepen školske spreme, polaže samo posebni dio stručnog ispita predviđen za taj stepen školske spreme.
- (2) Lice koje je položilo i dostavilo ovjerenu kopiju uvjerenja o položenom stručnom upravnom ispitu po Programu stručnog upravnog ispita za pripravnike i službenike u organima uprave i službama za upravu u Federaciji BiH, odnosno ispitu općeg znanja po Programu stručnog upravnog ispita za državne službenike u organima državne službe u Federaciji BiH oslobađa se polaganja općeg dijela ispita koji se odnosi na provjeru poznavanja propisa.

Član 33.

Danom stupanja na snagu ovog pravilnika prestaje da važi Pravilnik o načinu i programu polaganja stručnog ispita radnika geološke struke („Službeni list RBiH“, broj 16/93).

Član 34.

Ovaj pravilnik stupa na snagu narednog dana od dana objavljivanja u „Službenim novinama Federacije BiH“.

Broj: 06-34-1287/10
09. juni 2011. godine
Mostar

Ministar
Erdal Trhulj

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ENERGIJE,
RUDARSTVA I INDUSTRIJE
SEKTOR ZA RUDARSTVO,
Odsjek za geologiju
 Alekse Šantića bb, 88 000 Mostar

Broj: _____

Datum: _____

Mjesto: _____

PREDMET:

Z A H T J E V

za polaganje stručnog ispita za zaposlenike geološke struke

1. PODACI O PODNOSIOCU ZAHTJEVA:

<p>Naziv podnosioca zahtjeva (<i>ako pravno lice podnosi zahtjev za svoje kadrove - zaposlenike</i>)</p> <p>/ Ime i Prezime kandidata/kinje:</p>	
<p>Sjedište podnosioca zahtjeva (<i>ako pravno lice podnosi zahtjev za svoje kadrove - zaposlenike</i>)</p> <p>/ Adresa kandidata/kinje:</p>	
<p>Ime i prezime kontakt osobe u pravnom licu (<i>ako pravno lice podnosi zahtjev za svoje kadrove - zaposlenike</i>):</p>	
<p>Kontakt (tel./fax. i e-mail) pravnog lica (<i>ako pravno lice podnosi zahtjev za svoje kadrove - zaposlenike</i>)</p> <p>/Kontakt (tel./E mail) kandidata/kinje:</p>	

LISTA DOKUMENATA KOJI SE PRILAŽU UZ ZAHTJEV:

<input type="checkbox"/> Potvrda o radnom stažu (radnom iskustvu)	- Potvrdu izdaje poslodavac i ista se prilaže uz zahtjev kao <u>original ili ovjerena kopija</u> (Na osnovu člana 7. stav 3. tačka b. Pravilnika)
<input type="checkbox"/> Diploma	- Diplomu izdaje nadležna obrazovna institucija a uz zahtjev se prilaže <u>u formi ovjerene kopije</u>
<input type="checkbox"/> Dokaz o uplati takse – uplatnica	- <u>original</u>
<input type="checkbox"/> Dokaz o uplati naknade– uplatnica	- <u>original</u>

Prijedlog tema za izradu pismenog rada (na osnovu člana 7. stav 3. tačka c. Pravilnika)

Tema 1.	
Tema 2.	
Tema 3.	

Podnosioc zahtjeva:

Datum, __ / __ / 20__ godine.

Obrazac 2.

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ENERGIJE,
RUDARSTVA I INDUSTRIJE

Broj:
Mostar, _____ 20_____ godine

ZAPISNIK

o polaganju stručnog ispita zaposlenika geološke struke

Sastavljen dana _____ godine pred Komisijom za polaganje stručnog ispita zaposlenika geološke struke, kandidat/kinja _____ sin/kći _____ sa _____ stepenom stručne spreme, rođen _____ godine u mjestu _____ Općina _____ pristupio/la je polaganju ispita.

Polaganje stručnog ispita održano je dana _____ sa početkom u _____ časova u prostorijama Federalnog ministarstva energije, rudarstva i industrije u Mostaru ul. A. Šantića bb.

Komisija imenovana rješenjem Up/I broj _____ od _____ Federalnog ministarstva energije, rudarstva i industrije prisustvovala je polaganju stručnog ispita u slijedećem sastavu:

1. Predsjednik/ica Komisije; _____ dipl.ing.geol.
2. Član; _____ dipl.ing.geol.
3. Član; _____ dipl.ing.geol.
4. Član; _____ dipl.ing.geol.
5. Član; _____ dipl.pravnik.
6. Sekretar Komisije; _____

Rješenjem Federalnog ministarstva energije, rudarstva i industrije određena je tema pismenog dijela ispita pod nazivom:

1. Pismeni rad ocjenjen je sa ocjenom : zadovoljava
 ne zadovoljava

2. Usmeni dio stručnog ispita

- a) Posebni dio ispita
- Iz posebnog dijela ispita postavljena su slijedeća pitanja:
- _____
 - _____
 - _____

- _____
- _____
- _____

Poseban dio ispita ocjenjen je ocjenom: **zadovoljava**
 ne zadovoljava

b) Opći dio ispita

- Iz stručnog dijela ispita postavljena su slijedeća pitanja:

- _____
- _____
- _____
- _____

Stručni dio ispita ocjenjen je ocjenom: **zadovoljava**
 ne zadovoljava

- Iz dijela provjere poznavanja propisa postavljena su slijedeća pitanja:

- _____
- _____

Iz dijela provjere poznavanja propisa ocjenjen je ocjenom:

zadovoljava
 ne zadovoljava

Po završenom glasanju stručne Komisije kandidat je:

položio stručni ispit
 nije položio stručni ispit

Kandidat se upućuje na ponovno polaganje iz dijela:

1. _____
2. _____
3. _____

Stručni ispit završen je u _____ sati.

Zapisnik vodio/la

Članovi Komisije

Predsjednik/ica Komisije

1. _____
2. _____
3. _____
4. _____

Obrazac 3.

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ENERGIJE,
RUDARSTVA I INDUSTRIJE

Broj:
Mostar, _____ 20_____ godine

Federalno ministarstvo energije, rudarstva i industrije na zahtjev _____ (ime i adresa kandidata) a na osnovu člana 54. i 55. Zakona o geološkim istraživanjima Federacije BiH („Službene novine Federacije Bosne i Hercegovine“, broj 9/10 i 14/10) i člana 27. Pravilnika o programu i načinu polaganja stručnog ispita zaposlenika/ca geološke struke („Službene novine Federacije BiH“, broj___/___) izdaje:

UVJERENJE O POLOŽENOM STRUČNOM ISPITU

Potvrđuje se da je kandidat/kinja _____ (Ime, ime oca i prezime) _____ rođen-a (datum rođenja) _____ godine u (mjesto rođenja) _____ polagao/la je dana (datum polaganja) _____ stručni ispit za samostalno obavljanje poslova i rukovođenje u oblasti geoloških istraživanja i prema ocjeni Komisije

KANDIDAT / KINJA JE POLOŽIO / LA STRUČNI ISPIT

Zapisnik sa polaganja stručnog ispita sa kompletnom propisanom dokumentacijom i jednim primjerkom ovog uvjerenja, deponovani su u arhivu Vlade Federacije BiH pod gornjim brojem, kao dokumentacija od trajnog značaja.

Ovo uvjerenje izdaje se na osnovu Registra izdatih uvjerenja o položenim stručnim ispitima za zaposlenike geološke struke i prema članu 169. stav 3. Zakona o upravnom postupku ima značaj javne isprave.

Na osnovu Zakona o federalnim upravnim taksama i Tarifi federalnih upravnih taksi („Službene novine Federacije BiH“, broj 6/98), tarifni broj 1. i 23. na ovo uvjerenje naplaćena je administrativna taksa u ukupnom iznosu od ___ KM, na ime upravnih taksi za podnesak ___ KM, i za uvjerenje _____, na račun javnih prihoda budžeta Federacije BiH.

Ministar/ica

REGISTAR IZDATIH UVJERENJA
O POLOŽENIM STRUČNIM ISPITIMA ZA ZAPOSLENIKE/ICE GEOLOŠKE STRUKE

R.br.	Broj protokola	Datum	Ime i prezime	Školska sprema	Datum rođenja	Privredno društvo	Mentor /ica	Polaganje ispita		Popravni		Otprema		Napomena
								Datum	Rezultat	Datum	Rezultat	Datum	Potpis	
1	2	3	4	5	6	7	8	9	10	11	12	13	14	15

